

CYNGOR CYMUNED CRYMYCH - CRYMYCH COMMUNITY COUNCIL

Clerc - Bethan Williams, Henllan Owen, Eglwysrwr, Crymych, SA41 3UP
cyngorcymunedcrymych@gmail.com Ffôn/Tel 01239 891403

Cofnodion cyfarfod Cymuned Crymych 03/12/2020

Yn bresennol

Cynghorwyr: Emyr Thomas, Hywel Lewis, Bill Davies, Cris Tomos, Iwan Evans, Dylan Sandbrook, Keith Davies, Iwan Rees
Clerc: Bethan Williams

Ymddiheuriadau Eirlys Twigg, Derrick Rees

Cofnodion cyfarfod y 5ed o Dachwedd

Cynigiodd Hywel Lewis eu bod yn gywir, eiliodd Bill Davies ac fe'u derbyniwyd fel cofnod cywir o'r cyfarfod

Materion yn codi o'r cofnodion

Yswiriant ar gyfer digwyddiad Siôn Corn - dydy Zurich (cwmni yswiriant) ddim yn gallu yswirio sled yn cael ei dynnu, ond bydd y gyrrwr yn gallu trefnu yswiriant.

Golau Nadolig - Mae'r golau wedi'u rhoi lan yn y pentre. Bu raid prynu golau newydd.

Fferm Fila - roedd y Pwyllgor Cynllunio yn trafod mewn cyfarfod ar y 10fed o Dachwedd. Yr unig beth i'w nodi yw fod cytuno na ddylai'r gwaith ar y datblygiad amharu ar drafnidiaeth ysgol.

Dydd y Cofio - gosodwyd y dorch ar ran y Cyngor Cymuned.

Arhosfa Bws Hermon - Bydd angen cynnal asesiad risg, fel arall mae'n iawn i lyfrau ayb fod yno.

Palmant Maes Megan - Mae gwaith yn digwydd ar y ffordd ar hyn o bryd, mae pryderon am y pafin wedi'u codi gyda'r cyngor felly gobeithio bydd y pafin yn cael ei drwsio'r un pryd.

Gohebiaeth

Cais am nawdd gan Clebran

Cris Tomos yn datgan diddordeb gan ei fod yn Ysgrifennydd ar Bwyllgor Gwaith Clebran

Cytunwyd i roi £200 i Clebran, £100 roddwyd llynedd ond gan fod arian ar gael eleni a llai o ddigwyddiad wedi bod cytunwyd bod modd cynyddu rhodd eleni.

Bethan i roi gwybod a threfnu taliad

Cais am nawdd gan Brosiect Crymych

Bydd Prosiect Crymych yn trefnu bod Siôn Corn yn ymweld â nifer o bentrefi'r ardal ac wedi holi am £162 ar gyfer costau hurio'r siwt.

Mae ceisiadau wedi mynd at gynghorau eraill am roddion ar gyfer petrol ayb.

Cytunwyd i roi'r £162 a gofyn fod Siôn Corn yn mynd drwy Glandwr a Glog hefyd.

Bydd Siôn Corn yn mynd drwy'r ardal ar yr 11eg, 12fed a'r 13ed - bydd angen rhoi gwybod i bobl am y dyddiadau hynny.

Cyflwyno datganiad o Daliadau i Gynghorwyr Cymuned

Mae angen holi a oes angen nodi taliadau am waith cyflogedig mae cynghorwyr wedi gwneud neu unrhyw bethau mae cynghorwyr wedi'u prynu ar ran y cyngor cymuned ac wedi cael arian nôl amdany'n nhw.

Fel arall fydd dim byd i'w nodi.

Bethan yn gyfrifol am hyn.

Ailymaelodi ag Un Llais Cymru

Mae Un Llais Cymru yn rhannu gwybodaeth am grantiau ayb ar gyfer cynghorau cymuned ac yn cynnig hyfforddiant.

Cytunwyd i dalu'r £290 am aelodaeth nes mis Mawrth, mae'r £290 yn seiliedig ar nifer tai y ward.

Bethan i ddychwelyd y ffurflen a threfnu taliad.

Cyllid

Roedd £11,207 yn weddill y banc ar 28/11.

Mae'r £3,333 o daliad precept i ddod gan y Cyngor Sir yn ystod mis Rhagfyr

Taliadau

Derbyniwyd anfonebau gan Meurig am waith cynnal a chadw yn y maes parcio a'r toiledau rhwng Awst a Rhagfyr felly bydd £250 yn cael ei dalu iddo.

Cytunwyd i drefnu archeb sefydlog misol o £50 iddo.

Nodwyd hefyd bod angen edrych ar olau'r toiled a bod angen gofyn i DE Phillips ei drwsio.

Cytunwyd i agor cyfri gyda DE Phillips fel bod modd i Meurig drefnu gwaith tebyg yn y dyfodol a'i roi ar gyfri'r Cyngor Cymuned. Cris i greu cyfri.

Prynwyd golau Nadolig newydd ac estyniad, mae angen ad-dalu Cris amdany'n nhw

Mae £25 yn ddyledus i Cris am y dorch ar gyfer y Cofio

Cytunwyd hefyd i dalu £23.48 i Cris am inc ar gyfer argraffu papurau'n ymwneud â gwaith y Cyngor

Unrhyw Fater Arall

Arwydd 'Crymymch' wrth adael y pentref am Hermon - dydy hwn ddim wedi ei symud o hyd ac mae'r cyngor yn ystyried ei adael ble mae e gan fod cyfyngiad o 20mya yno. Ond mae'n anodd gweld y rhewl wrth ddod o'r stad felly mae angen ei symud.

Bydd Hywel yn casglu enwau trigolion y stad ar ddeiseb at sylw'r cyngor sir er mwyn pwysu arnyn nhw i'w symud.

Cymdeithas Tai Barcud

Fe wnaeth Cris a Beth gyfarfod ag Alex Dawson, Pennaeth Datblygu Barcud a Geraint Roberts o Barcud ynglŷn â datblygiad Fferm Villa. Dyma'r tro cyntaf i ni gyfarfod â nhw ers i gymdeithasau tai Tai Ceredigion a Barcud uno.

Maen nhw eisiau parhau i gydweithio gyda'r Ymddiriedolaeth Tai, bydd y chwech o dai ar gael i'r Ymddiriedolaeth o hyd felly.

Cae Aml-dywydd Crymymch

Dydy'r llwybr at y cae ddim wedi ei darmacio o hyd felly dydy'r cae ddim yn cael ei ddefnyddio eto, rhag difrodi gormod ar y cae yn syth.

Mae Llywodraethwyr Ysgol y Preseli wedi cysylltu â'r cyngor i holi iddyn nhw orffen y llwybr er mwyn i'r cae gael ei ddefnyddio.

Partneriaeth Ogwen

Mae Partneriaeth Ogwen yn fenter gymunedol sydd yn cynorthwyo cynghorau cymuned ac yn rhedeg sawl prosiect cynaliadwy sydd wedi creu swyddi.

Bydd Cris yn siarad â'r cyngor a PLANED i weld a oes posibilïadau i greu rhywbeth tebyg yn yr ardal yma, ac yn adrodd nôl er mwyn i'r cyngor cymuned fod yn rhan o unrhyw ddatblygiadau.

Dyddiad a lleoliad y cyfarfod nesaf

7pm ar y 7fed o Ionawr.

Byddwn ni'n cwrdd dros Zoom eto